



Sámi allaskuvla
Sámi University College

Sámi allaskuvlla bachelorgráda láhkaásahus

Dohkkehuvvon Sámi allaskuvlla stivrras áššis 22.02.2003, ja mañemusat dohkkehuvvon stivrra áššis S-19/2013, 18.06.13, universitehta ja allaskuvlla lága 2005-04-01 nr. 15 vuodul ja njuolggadusaid 2005-12-16 nr.1574: Forskrift om grader og yrkesutdanninger, beskyttet tittel og normert studietid ved universiteter og høgskoler.

§ 1 Doaibmaguovlu

Dát láhkaásahus mearrida Sámi allaskuvlla (SA) bachelorgráda gáibádusaid.

§ 2 Doabadefinišuvnnat

Dán láhkaásahusas geavahuvvojit dát doahpagat;

a) Rápmaplánii vuoduštuvvon oahppu

Oahppu mas leat fágaplánat, mearriduvvon SAs, ja čađahuvvo nášunála rápmaplána vuodul.

á) Integrerejuvvon oahppu

Oahppu mas lea oahppoplána, mearriduvvon SA stivrras.

b) Oahppoprográmma

Oahppu mas lea čilgejuvvon sisdoallu fága- dahje oahppoplánas, mii loahpahuvo eksámeniin dahje grádain (ovttaskas oahppu, jahkebealoahppu, jahkeoahppu, allaskuvlakandidáhtta, bachelorgráda ,dábálašoahpaheaddjoahppu, [vuodđoskuvlaoahpaheaddjoahppu](#), [mánáidgárdeoahpaheaddjoahppu](#))

c) Gráda

Oahppu/oahppoprográmma viissis viidodagas, mii addá rievtti oahppoduodaštussii (vitnemål).

č) Oahppoovttodat

Oassi oahpus/oahppoprográmmas/ grádas mii loahpalaččat árvvoštallo *Sámi allaskuvlla eksámen ja loahpalaš árvvoštallan* [njuolggadusaid-láhkaásahusa](#) mielde. Unnimus ovttodat mii dohkkehuvo oassin oahpus, oahppoprográmmas dahje grádas.

d) Oahppočuoggát

Oahpu ja oahppoovttodaga viidodat mihtiduvvo oahppočuoggáid mielde. Ovtta oahppo jagis leat 60 oahppočuoggá.

đ) Čiekŋudeapmi

Viissis mearri oahppočuoggát mat fágalaččat čiekŋudit dihto fágasuorgái

e) Oahppoplána

Fágalaš sisdoalu plána oahpuin mat eai leat rámmaplána vuodul

f) Fágaplána

Fágalaš sisdoalu konkretiseren oahpuin mat leat rámmaplánaid vuodul

g) Diploma Supplement

Oahppoduođastusa mielddus, mii čilge: kandidáhta máhtu, oahpu sisdoalu, oahppoásahusa gos oahppu lea čađahuvvon, oahppovuogádaga.

§ 3 Bachelorgráda gáibádusat

Bachelorgráda oažžu go :

- a) Čađaha 3 – jagáš ámmátoahpu (180 oahppočuoggá) mii lea vuodustuvvon nášunála rápmaplánaide.
- á) Čađaha 3 – jagáš integrerejuvvon oahpu (180 oahppočuoggá) SA dohkkehuvvon oahppoplánaid vuodul. Gáibiduvvo ahte studeanta čađaha ovttá barggu man viidodat lea 15 oahppočuoggá. Oahpus sáhtta leat juogo ollislaš 3 jagáš oahppu (180 oahppočuoggá) dehe 2 jagáš oahppu (120 oahppočuoggá) ja lassí fágat mat dahket 60 oahppočuoggá.
- b) Čađaha 3 – jagáš oahpu (180 oahppočuoggá). Gáibiduvvo unnimustá 90 oahppočuoggá čiekŋudeapmi ovttá fágasuorggi siskkoibealde, ja unnimustá 30 oahppočuoggá nuppi fágasuorggis. Gáibiduvvo ahte studeanta čađaha ovttá iešheanálaš barggu man viidodat lea unnimusat 10 oahppočuoggá.

§ 4 Unnimus oahppoovttodat bachelorgrádas

Unnimus oahppoovttodat § 3á) ja 3 b) bachelorgrádas lea unnimustá 10 oahppočuoggá. Unnit oahppoovttodagat seammá fágasuorggi siskkoibealde sáhttet dohkkehuvvot jus dát ovttas dahket unnimusat 10 oahppočuoggá.

§ 5 Oahppoovttodagaid sisaheiveheapmi Bachelorgrádii- eksámeniin/geahččalemiin beassan

Lea vejolaš beassat geahččalemiin/eksámeniin mat leat oassin bachelorgrádas, jus ovdal čađahan geahččalemiin/eksámeniin/realgelbbolašvuodain deavdá fágalaš gáibádusa.

Studeanta sáhtta ohcat ovdal čađahan oahppoovttadaga, fága ja oahpu, čađahuvvon SA:s dahje eará alitoahppoásahusas mii čuovvu Universitehta ja allaskuvllalága dahje olgoriikka oahpu, dohkkehuvvot oassin bachelorgrádii. Gáibádus lea ahte oahput devdet dán lánkaásahusa gáibádusaid.

Oahppoovttodat, fáddájoavku dahje iešheanalís bargu mii lea oassin váldofágaeksámena dahje mastergráda vuodus, ii dohkkehuvvo oassin bachelorgrádii.

§ 6 Fágalaš latnjalasvuohhta

Oahppoprográmmain mat loahpahuvvet grádain, ii galgga fágalaš sisdoalu dáfus latnjalašvuohhta leat eambo go 10 oahppočuoggá. Jus latnjalasvuohhta lea eambo go 10 oahppočuoggá de ferte buhtaduvvot liigečuoggáiguin.

§ 7 Oahppoduođastus

Čađahuvvon oahppu mii addá bachelorgráda dan lánkaásahusa § 3 mielde, duođastuvvo oahppoduođastusain.

Kandidáhtta gii galgá oažžut bachelorgrádaduođastusa SA:s, galgá leat čađahan unnimusat 60 oahppočuoggá SA:s.

Bachelorgráda oahppoduođastus § 3-3 vuođul čálihuvo ohcama vuođul. Ohcci galgá ieš duođastit ahte deavdá gáibádusaid.

Unnimusat 60 oahppočuoggá mat galget vuodđun bachelorgrádii, eai galgga leat oassin ovdal olahuvvon grádas dahje ámmátoahpus. Ođđa oahppoovttodagat galget ovttas ovdal čađahuvo oahppoovttadagaiguin, dahje lassin dáidda, mielddisbuktit ahte ođđa grádas lea eará fágalaš čiekŋudeapmi/deaddu go ovdal olahuvvon grádas.

§ 8 Váiddameannudeapmi

Studeanttain lea vuoigatvuohta váidit mearrádusaid Hálddašanlága kap. 4. mearrádusaid vuođul.

Dábálaš váidináigemearri lea 3 vahku.

Bachelorgrádaid váidagiid meannuda stivrra váiddalávdegoddi. Váiddalávdegotti mearrádus lea loahpalaš.

§ 8 Sierra njuolggadusat

Sámi allaskuvlla dutkan- ja oahppostivra sáhtá mearridit sierra njuolggadusaid dán láhkaásahussii.

§ 9 Fápmuibidjan

Dát láhkaásahus lea fámus **01.08.2013 rájes**.